



**Pisortat namminersortullu suliffeqarfiini sulilerlaat sullivimmi isumannaallisaanermik ilinniagaqarsimanissaasa inatsisitigut piunasaqaataalernerata aningaasatigut allaffissornikkullu kingunerisassaasa ersersinneqarnissaat siunertaralugu nassuiaasiornissamik Naalackersuisut peqquneqarnissaannik Inatsisartut aalajangiiffigisassaattut siunnersuut. Nassuiaat UKA 2025 nallertinnagu Inatsisartunut agguanneqassaaq.**

(Inatsisartunut ilaasortaq Anna Wangenheim, Demokraatit)

(Siullermeerneqarnera)

Qujanaq Demokraatit Inatsisartuni ilaasortaataannut Anna Wangenheim-imut siunnersuummut pissusissamisoortumut suliffimmi isumannaallisaanerup pitsanngorsarnissaanut tunngasumut.

Demokraatit isumaqarluinnarput, pingaartuusoq, tamatta toqqissisimalluta suliarortarnissarput nalunagu, suliffitta ukkatarigaa, timikkut tarnikkullu suliffiup pitsaasuunissaa. Suliffimmili isumannaallisaaneq imaaliillaannarluni pilersinnaangilaq. Pisortasut ukkatarisussaavaat, sulisut ataatsimoorlutik paasinnissimanissaat, suliffimmi isumannaallisaaneq pitsaasoq qanoq ittuunersoq.

Ataatsimoorussamik paaseqatigiinneq pilersinneqartarpoq, sulisut tamarmik tunngaviumik sullivimmi isumallaannisaanermik ilinniarsimaleraangata. Demokraatini qularinngilarput, suliffimmi pissutsit pitsaasuugaangata, sulisut toqqissisimanerulersartut, naleqartinneqartutullu misigilertartut. Atugarissaanermik pitsaanerumik pilersitsissaaq, naammassisat annertunerulerlutik, suliffimmilu tunniussa qarusususermik annertusaassalluni. Ataatsimooqatigiinnermik aamma nukittorsaassaaq, suliffimmillu sillimaniarnermik peqqissusermillu ukkatarinnittumik pilersitsissalluni, aammalu ataatsimut ikioqatigiinnermik pilersitsissalluni.

Tunngaviumik sullivimmi isumannaallisaanermik ilinniagaq, suliffimmi ajutoornernut, sulinermilu tunngatillugu napparsimalernernut pinaveersaartitsinissamut sakkussatsialaavoq. Sulisut tamarmik sillimaniarnermut malitassat assigisaalluunnit ilisimaarilerunikkut, sulinermi ajutoornerit soorunami annikillissapput, ataatsimoorussamillu eqqarsartariaaseqarnermik pilersitsissaaq, ulluinnarni sillimaniarnermik peqqissusermillu pissusissamissuuginnartumik suleriuseqalerluni.

Demokraatinit taamaammat sullivinni sillimaniarnermut ilinniartitaaneq aningaasartuutitut isiginngilarput, taamaattorli sullivinni peqqinnerulernissamut ataavarnerusunullu aningaasaliissutitut isigalugu. Sulisut tamaasa tunngaviumik sullivinni sillimaniarnermut ilinniartikkaanni, napparsimanernut aningaasartuutit ikilisarsinnaavagut, suliffinni ajutoornerit ikilisarsinnaavagut, tamanna iluaisassaannaavoq.

Tamanna tunngavigalugu Demokraatit inatsisartunut ilaasortaataata Anna Wangenheimip siunnersuutaa ajunngilluinnartoq tapersorsorparput.



Siunnersuut taamatut oqaasertalerlugu akuerineqarnissaa innersuussutigaarput, kiisalu ataatsimiititaliami suliareqqinneqarnissaa aannersuussutigalugu.